



Pou Piblikasyon Imedya: 03/09/2021

GOUVÈNÈ KATHY HOCHUL

GOUVÈNÈ HOCHUL GARANTI DEKLARASYON IJANS POU KATASTWÒF PREZIDAN BIDEN LAN APRE DEPRESYON TWOPIKAL IDA A FIN DEVASTE NEW YORK

Deklarasyon Ijans pou Katastwòf pou 14 Konte ki afekte bay jiska 5 milyon dola nan finansman federal imedya pou sipòte operasyon entèvansyon anvan FEMA fini evalyasyon domaj yo

FEMA pral kòmanse evalyasyon domaj yo nan 3 septanm epi pral akselere pwosesis la sou demann Gouvènè Hochul

Resous Entèvansyon Ijans ajans Eta a kontinye ede lokalite yo nan efò netwayaj ak restorasyon apre lapli ak inondasyon istorik la

7,900 kliyan toujou san kouran

Anplwaye DEC yo kontinye siveye pou danje posib nan enfrastrikti dlo ize, reponn ak rapò devèsman petwòl ak mennen ankèt sou entegrite baraj ak dig yo

Fèmti yo kontinye sou U.S. Route 9, State Route 100 ak Saw Mill River Parkway nan Konte Westchester

Sèvis nan liy Hudson nan Metro-North ak branch New Canaan ak Danbury rete sispann

Sant Kòmann Mobil Depatman Sèvis Finansye a sitiye nan Yonkers, Konte Westchester, nan 3 septanm; Anplwaye DFS yo sou plas nan Grinton I. Will Public Library, 1500 Central Park Avenue, Yonkers, NY, 10710

Gouvènè Kathy Hochul te anonse jodi a Prezidan Biden te apwouve yon Deklarasyon Ijans pou Katastwòf pou New York apre devastasyon Depresyon Twopikal Ida te lakòz ak lapli istorik san parèy li a. Konte yo ke deklarasyon sa kouvri gen ladan: Bronx, Dutchess, Kings, Nassau, New York, Orange, Putnam, Queens, Richmond, Rockland, Suffolk, Sullivan, ak Westchester.

Nan kad yon Deklarasyon Ijans, jiska 5 milyon dola nan fon federal imedya disponib pou konte ki afekte yo pou sipòte entèvansyon kontinyèl ak operasyon sovtaj anvan publikasyon yon Deklarasyon pou Katastwòf Majè tradisyonèl.

Gouvènè Hochul te anonse tou sou demann li, FEMA pral travay avèk Divizyon Sekirite Enteryè ak Sèvis Ijans Eta a, ansam ak patnè lokal yo pou kòmanse pwosesis evalyasyon domaj, ki nesesè pou yon Deklarasyon pou Katastwòf Majè, nan 3 septanm.

Anba direksyon Gouvènè Hochul, resous entèvansyon ijans ajans yo nan Eta a sou plas pou ede patnè lokal yo nan efò netawayaj ak restorasyon.

"Pandan zòn nan rejon Sid Eta a ap rekipere de move tan ekstrèm, mwen te mande ak garanti yon Deklarasyon Ijans pou Katastwòf nan men gouvènman federal la ki pral ede lokalite yo avèk finansman ak soulajman nan efò restorasyon inisyal yo. Mwen pral kontinye rekòmande gouvènman federal la pou akselere pwosesis evalyasyon domaj pou bay tout resous federal disponib pou asire Nouyòkè yo jwenn sa yo bezwen pou rekipere apre tanpèt istorik sa a", **Gouvènè Hochul te deklare**. "Nou angaje pou bay tout resous nesesè yo pou Nouyòkè yo rekipere apre inondasyon istorik, devastatè a epi mwen te mande tout ajans yo nan Eta a ki sou plas pou kontinye ede zòn sa yo ki afekte avèkk misyon netawayaj yo".

Yon Deklarasyon Ijans kapab deklare pou nenpòt okazyon oswa sitiayson kote Prezidan an detèmine asistans federal nesesè. Deklarasyon sa yo konplete efò Eta ak lokal yo nan bay sèvis ijans tankou pwoteksyon lavi, pwopriyete, sante ak sekrite publik oswa diminye oswa ranvèse menas yon katastwòf nan nenpòt pati nan Etazini. Montan total ki otorize pou yon sèl ijans se jiska 5 milyon dola. Resewwa yon Deklarasyon Ijans pa eskli eta a pou resevwa yon Deklarasyon pou Katastwòf Majè.

Yon Deklarasyon pou Katatwòf Majè bay yon pi gwo ranje pwogram asistans federal pou moun ak enfrastrikti publik, sa gen ladan finansman pou travay ijans ak pèmanan. Pou jwenn yon Deklarasyon pou Katastwòf Majè, yon kontabilite domaj nesesè epi eta a ak konte ki afekte yo gen limit pou yo chak ki dwe satisfè pou kapab kalifye pou asistans. Eta a gen yon limit jeneral 30,036,058 dola epi chak konte gen pwòp limit li ki dwe satisfè. Eta a ak gouvènman lokal yo travay dirèkteman avèk FEMA pou evalye domaj nan pwosesis sa a. Sou demann Gouvènè Hochul, evalyasyon sa yo pral kòmanse nan 3 septanm epi pral akselere.

Gouvènè a ap ankouraje responsab lokal nan konte ki afekte yo pou kontinye travay ak Jesyonè Ijans Konte yo a pou soumèt tout bezwen pou resous dirèkteman nan NY Responds (NY Reponn), sistèm ki baze sou entènèt eta a ki pèmèt gouvènman lokal ak ajans eta yo soumèt epi pataje enfòmasyon vital ki gen rapò ak ijans ak demann pou resous.

Premye entèvnan Eta ak lokal yo kontinye angaje yo konplètman nan sipòte gouvènman lokal yo nan kad entèvansyon apre tanpèt la ak operasyon netwayaj yo.

Aktivite Entèvansyon Ajans Ian

Divizyon Sekirite Teritwa ak Sèvis pou Ijans yo (Division of Homeland Security and Emergency Services)

DHSES kontinye kowòdone avèk ajans patnè nou yo nan nivo lokal, eta ak federal nan kad efò entèvansyon yo. Sant Operasyon Ijans Eta a aktif epi rete angaje avèk ajans yo nan eta a ki enplike nan misyon netwayaj.

Ekip DHSES yo sou plas pou sipòte efò sa yo epi pral kontinye bay resous siplemantè pou gouvènman lokal yo ak jesyonè ijans konte yo pandan tout pwosesis la.

Depatman Konsèvasyon Anviwònmental

Apati sistèm avyasyon san pilòt (dwòn) ak lòt teknoloji, Ofisyè Lapolis Depatman Konsèvasyon Anviwònmental (DEC), Gad Forè yo, ekspè Jesyon Ijans yo, Entèvnan nan ka Devèsman yo ak pèsonèl anplis yo kontinye evalye enpak tanpèt la apre Ida, sa gen ladan domaj potansyèl nan enfrastrikti dlo ize, devèsman petwòl ak entegrite baraj ak dig yo. ECO ak Gad Forè yo te mennen plizyè douzèn sovtaj nan dlo vif nan konte Westchester ak Rockland pandan gwo dlo nan 1 ak 2 septanm epi kontinye ede NYPD avèk rezidan k ap ede yo nan Staten Island.

Apre inondasyon devastatè sa a, DEC raple Nouyòkè yo si dlo inondasyon yo gen petwòl, pwodui chimik oswa lòt materyèl danjere ki afekte yo pou rele liy dirèk Devèsman DEC la nan **(1-800-457-7362)** <https://www.dec.ny.gov/chemical/87175.html>.

Depatman Sèvis Piblik

Sèvis piblik New York genyen apeprè 6,000 travayè disponib ki angaje nan evalyasyon domaj, efò entèvansyon, reparasyon ak restorasyon atravè Eta a. Pèsonèl nan Depatman Sèvis Piblik (DPS) la yo pral retrase travay sèvis piblik yo ap fè pandan tout restorasyon apre tanpèt la epi pral asire ke sèvis piblik yo ap transfere pèsonèl ki apwopriye yo nan rejon ki plis afekte yo. Objektif restorasyon apre tanpè la jodi a konsantre sou rejon nan sid Eta a tanpèt la te plis afekte gravman.

Eta New York te gen yon ensidan maksimòm kote 52,000 kliyan nan pàn kouran nan 3 a.m. nan jedi, epi pandan dewoulman efò restorasyon yo, sèvis piblik yo te restore plis pase 80,000 kliyan kouran ke tanpèt la te afekte. Gen aktyèlman 7,900 kliyan ki rete san kouran, kote majorite a (6,400) twouve yo nan Konte Westchester.

Depatman Transpò (Department of Transportation, DOT)

Depatman Transpò Eta a ap reponn ak tanpèt la avèk plis pase 3,150 sipèvizè ak operatè disponib nan Eta a. Plis pase 60 wout eta atravè eta a, sa gen ladan tout otowout eta yo nan Vil New York, te déjà re-ouvrir.

Nan maten an, te gen apeprè yon douzèn wout ki fèmen konplètman oswa pasyèlman nan Ba Hudson Valley akòz inondasyon. Sa yo gen ladan kèk pati nan U.S. Route 9, State Route 100 ak Saw Mill River Parkway nan Konte Westchester Te genyen tou fèmti nan kèk pati nan U.S. Route 9 nan Konte Dutchess, State Route 218 nan Konte Orange ak State Route 59 nan Konte Rockland.

Fòs DOT yo ap travay pou netwaye epi re-ouvri wout sa yo osito dlo inondasyon an bese epi ap ede tou minisipalite lokal yo nan efò rekiperasyon yo.

Otorite Thruway

Pa gen okenn fèmti ki gen rapò ak inondasyon nan NYS Thruway sof pou soti 7A nan ramp direksyon nò ak sid I-87 pou ale Saw Mill Parkway. Sikilasyon sou liy prensipal Thruway la pa afekte. Ekip antretyen Thruway la ap deyò pandan jounen a pou evalye ak netwaye nenpòt domaj gwo lapli ak inondasyon te lakòz.

Lapolis Eta New York

NYSP (Lapolis Eta New York) kontinye kontwole plizyè fèmti wout nan Hudson Valley ak Long Island inondasyon an te lakòz. Yo pral deplwaye pèsonèl anplis nan zòn ki afekte yo jan sa nesesè. Tout veyikil touteren yo ak veyikil espesyalize yo, ki gen ladan Veyikil Touteren Sèvis Biblik yo, ap an sèvis.

MTA

Metro-North Railroad rekòmanse sèvis sou tout Liy New Haven ak sou Liy Harlem jiska sidès kote tren yo ap fonksyone nan yon kalandriye pou wikenn ki amelyore. Sèvis nan liy Hudson ak branch New Canaan ak Danbury rete sispann.

Sèvis LIRR (Long Island Rail Road) ap opere nan menm oswa prèske nan menm orè a. Tren yo ap fonksyone avèk kèk reta nan kalandriye a. Pou mizajou ak enfòmasyon sou sèvis yo an tan reyèl, kliyan yo ta dwe tcheke new.mta.info oswa itilize aplikasyon MYmta.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

PSEG-LI ap itilize Pak Istorik Eta Caumsett ak Pak Eta Bethpage kòm zòn tranzit pou restorasyon kouran. Caumsett rete fèmen akòz gwo domaj tanpèt. Vizitè pak yo dwe gade parks.ny.gov oswa rele biwo pak lokal yo pou yo jwenn dènye nouvèl konsènan lè fonksyònman pak yo, lè ouvèti ak fèmti yo.

Depatman Sèvis Finansye (Department of Financial Services, DFS)

Sant Kòmann Mobil Depatman Sèvis Finansye yo pral fonksyone apati 9 a.m. rive 5 p.m. chak jou nan lokal ki seleksyone yo nan konte Eta Ijans yo Depresyon Twopikal Ida afekte jiskaske nesesite pou assistans li diminye. Inite mobil la pral bay Nouyòkè yo enfòmasyon asirans konsènan kouvèti polis pou pèt ak sijesyon sou fason pou dokimante pèt yo ak pwoteje pwopriyete yo. Randevou pa nesesè epi si yon moun pa kapab vini an pèsòn, li kapab jwenn assistans tou lè li rele liy dirèk nan ka katastwòf Depatman an nan [800-339-1759](tel:800-339-1759), chak jou, 8:30 am rive 4:30 p.m. ak lè li antre sou sitwèb Depatman an nan www.dfs.ny.gov. DFS aktyèlman ap anvizaje pou idantifye opòtinite pou elaji prezans ekip ak resous li yo nan lokal ki afekte yo.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)